



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Reductio Missarum.

urn:nbn:de:hbz:466:1-40647

sicut dicitur Matth. 16. *Quodcumque solueris, erit solutum.*

Nos verò hanc opinionem refutavimus V. *Confessarius, numero 6*, ubi docuimus, solum sufficere ratihabitionem de presenti, vel de præterito: minime verò de futuro, quia hoc Sacramentum nullo modo pendere potest à futuro eventu, & si ab initio non fuit validum, non potest deinde valorem accipere. Accedit, quòd Sacerdos non absoluit, nec absolvere potest nomine alterius hominis, sed immediatè nomine & auctoritate Dei: vnde nemo potest illam ratam habere: quia ut dicitur in *Reg. iur. 9. ratum habere quis non potest, quod ipsius nomina non est gestum.* Illa autem regula, quam affert Crouseus, procedit in ordine ad actus, qui licet à principio irriti possunt postea per iuris fictionem revalidari, quales non sunt Sacramentales, in quibus potius illa regula locum habet: *Quod ab initio non valet, tractu temporis non convalescit.* Sic *Coninch de Sac. disp. 8. dub. 4. in 34 part. 6. tract. 6. ref. 57.*

REDUCTIO MISSARUM.

DE hac re dictum est V. *Missarum reductio.* Hic solum circa Decreta Congregationis de celebratione Missarum, in quibus prohibetur, seu limitatur Episcopis & Generalibus Ordinum facultas moderandi onera Missarum, adverte primò, indicat prohibitionem secundum *Novarium tit. de Miss. celebr. numero 8.* comprehendit etiam anniversaria, & officia defunctorum, & sic sacram Congregationem respondisse, testatur ex multis. Sed contra ipsum insurgit *Merola tom. 3. disputat. 7. cap. 5. dub. 16. numero 389.* aitque Doctores ab ipso citatos & sacram Congregationem, non esse locutos de istis decretis Urbani VIII. prohibentibus: sed de decreto Tridentini concedente Episcopis facultatem Missas moderandi, &c. Nam, cum dicta prohibitio lo-

quatur solum de Missis, non debet extendi ad anniversaria, & multo minus ad Officia defunctorum: est enim lex odiosa, quia corrigit ius commune, nimirum Tridentinum, & ideo strictè interpretanda *p. 6. tr. 7. ref. 40.*

2. Adverte secundò ex *Marchino de Missis an. Sac. Ord. tractat. 3. parte 2. cap. 19. numero 10 Tridentinum 31.* per dicta decreta non revocari privilegium moderandi Missas ante Tridentinum relictas, quarum maximus est numerus, ut notatur in Synodo Florent. sub die 18. Maii 1627. §. *de celebr. Miss.* Nec onera Missarum post Tridentinum relicta, sed obtenuitatem elemosynæ nondum ac Ecclesia acceptata: nam loquitur de oneribus impositis, qualia non sunt nisi acceptata, & mens Sacra Congreg. fuit, ut numerus Missarum relictas & acceptatas adimpleatur. Salvo tamen, ait ipse, meliori iudicio, & sub censura Ecclesiæ *p. 6. tr. 6. ref. 10.*

3. Adverte tertio, non obstante revocatione privilegiorum Regularium, Missarum onera moderandi, facta per dicta decreta, eundem *Marchinum cap. 20. numero 7.* afferre privilegium à Sanctiss. D. N. Urbano VIII. post dictorum decretorum divulgationem concessum Fratibus Minimis Conventus Ianuensis, ut legata Missarum perpetua, & oneri adnexo imparia, ad rationem quinquaginta scutorum monetæ Romanæ pro qualibet Missa quotidiana reducerentur, quo quidem privilegio in pari casu frui posse advertit, non solum alios eiusdem Religionis Conventus, sed etiam aliorum Ordinum communicantium. *Ibidem resolutione 11.* Est præterea alia concessio facta Minoribus Conventualis pridie nonas Augusti an. 1639. ut in Conventibus, in quibus Missarum reductio non erat facta, fieri posset in primo Capitulo, ad rationem sexaginta scutorum, in addit. ad *Peyrinum Constitut. 27.*